

Der Jacob zoch aus von Ber Saba / vnd reiset gen Haran. Vnd kam an einen Ort / da bleib er vber nacht / denn die Sonne war vntergegangen / Vnd er nam einen Stein des orts / vnd legt in zu seinen Heubten / vnd legte sich an dem selbigen Ort schlaffen. Vnd im treuemet / Vnd sihe / eine Leiter stund auff erden / die rüret mit der spizen an den Himmel / Vnd sihe / die Engel Gottes stiegen dran auff vnd nider.

Joh. 1.

Vnd der HERR stund oben drauff / vnd sprach / Ich bin der HERR / Abrahams deines vaters Gott / vnd Isaacs Gott / Das Land da du auff liegest / wil ich dir / vnd deinem Samen geben. Vnd dein Same sol werden wie der staub auff Erden / Vnd du solt ausgebreitet werden / gegen dem Abend / Morgen / Mitternacht vnd Mittag. Vnd durch dich vnd deinen Samen sollen alle Geschlecht auff Erden gesegnet werden. Vnd sihe / Ich bin mit dir / vnd wil dich behüten / wo du hin zeuchst / vnd wil dich wider her bringen in dis Land / Denn ich wil dich nicht lassen / bis das ich thu / alles was ich dir geredt habe.

Christus Jacob verheissen.

(Deinem Samen) Sie wird dem dritten Patriarchen / Christus verheissen / der Weltland aller Welt / vnd das künfftige Euangelium von Christo in allen Landen zu predigen / durch die Engel auff der Leiter furgebildet.

Da nu Jacob von seinem Schlaff aufwachte / sprach er / Gewislich ist der HERR an diesem Ort / vnd ich wußts nicht. Vnd fürchte sich / vnd sprach / Wie heilig ist diese Stet / Sie ist nichts anders denn Gotteshaus / Vnd hie ist die Pforte des Himmels. Vnd Jacob stund des morgens früe auff / vnd nam den Stein / den er zu seinen Heubten gelegt hatte / vnd richtet in auff zu einem Mal / vnd gos öle oben drauff / Vnd hies die stet Beth El / vorhin hies sonst die stad Lus.

Beth El Lus. Gen. 35.

Vnd Jacob thet ein Gelübd / vnd sprach / So Gott wird mit mir sein / vnd mich behüten auff dem wege / den ich reise / vnd Brot zu essen geben / vnd Kleider an zu ziehen / vnd mich mit frieden wider heim zu meinem Vater bringen / So sol der HERR mein Gott sein. Vnd dieser Stein / den ich auffgerichtet habe zu einem Mal / sol ein Gotteshaus werden / Vnd alles was du mir gibst / des wil ich dir den Lebenden geben.

(Heilig) Heiligheißt hie metnendus / terrabilis / Mora / da man Gott fürchten vnd ehren solte / als der daselbs wil gefürchtet vnd geehret sein. Daher auch der selb berg Moria / timor / reuerentia / cultus Dei heißt. Sup. cap. 22. Denn Gottes fürcht ist der höchste Gottesdienst. Vnd ist hie angezeigt / Wo Gottes wort ist / (wie Jacob hiehöret) da ist Gottes Haus / da stehet der Himmel offen mit allen gnaden etc.

XXIX.

Da hub Jacob seine füsse auff / vnd gieng in das Land das gegen Morgen ligt. Vnd sahe sich vmb / vnd sihe / da war ein Brun auff dem felde / vnd sihe / drey Herde schafe lagen da bey / Denn von dem Brunne pflegten sie die herde zu trencken / vnd lag ein grosser Stein fur dem loch des Bruns. Vnd sie pflegten die Herde alle daselbs zumerksamen / vnd den stein von dem Brunloch zu wälzen / vnd die schafe trencken / vnd thaten als dem den stein wider fur das loch an seine stet.

Vnd Jacob sprach zu jnen / Lieben brüder / Wo seid jr her? Sie antworten / Wir sind von Haran. Er sprach zu jnen / Kennet jr auch Laban den son Nahor? Sie antworten / Wir kennen jm wol. Er sprach / Gehet es jm auch wol? Sie antworten / Es gehet jm wol / Vnd sihe / da kompt seine tochter Rahel mit den Schafen. Er sprach / Es ist noch hoch tag / vnd ist noch nicht zeit das Vieh ein zutreiben / Trencket die schafe / vnd gehet hin vnd weidet sie. Sie antworten / Wir können nicht / bis das alle Herde zusammen gebracht werden / vnd wir den stein von des Brunnloch wälzen / vnd also die schafe trencken.

Als er noch mit jnen redet / kam Rahel mit den schafen jres Vaters / denn sie hütet der schafe. Da aber Jacob sahe Rahel die tochter Labans seiner mütter Bruder / vnd die schafe Labans seiner mütter bruder / trat er hinzu / vnd wälzet den stein von dem loch des Brunnens / vnd trencket die schafe Labans seiner mütter Bruder / Vnd küßet Rahel vnd weinet laut / vnd saget jr an / das er jres Vaters bruder were / vnd Rebeca son / Da lieff sie / vnd sagets jrem Vater an.

Da aber Laban höret von Jacob seiner schwester Son / lieff er jm entgegen / vnd

(Mein Gott sein) Nicht das er vorhin nicht sein Gott gewesen sey / Sondern er gelobt an Gottes dienst auffzutreten / da man predigen vnd beten solt / Da wil er den Lebenden ingeben / den predigen. Wie Abraham dem Melchisedeck den Lebenden gab.